



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Apollinaris V. 5. Ianuar.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

plurima patrabat, magni undique accursus fierent, novo miraculo columnas cœpit habitare; quarum quarta, & quæ ei ultima fuit, alta erat pedes IV. & L. Hic ille stare columnâ suâ firmior; dormire, aut considerare nunquam; vix adeò unquam quid cibi capere, ea & agere & pati, ut hominem dubitarint; Regibus denique, ac Imperatoribus imò orbi ad se confluenti vel oraculum esse, vel asylon. Indoluit hostis, & dolis, quos domi suæ habet, usus, in flammanantem currum non jam SIMEONEM, sed alterum Eliam invitavit. Nec malè profectò cessit astus. Verùm, cum altero pede jam extenso, sacrum Crucis signum efformasset, in ventos scilicet & orcum, non in cælos, cum pessimo aurigâ abivit currus. At SIMEON, ut eadem poenâ & se, & hostem ultum iret, uno, ut erat tum, pede, annum solidum perstitit. Mortuus est deinde anno ab orbe restaurato CDLX, ætatis CIX. atque, ut vicisse scires, etiam post mortem stetit. *Ex Surio.*

S. APOLLINARIS V. 5. *Januar.*

**E**Vnuchum specta; sed apage illum Parnassi ruborem: hunc, quem dicimus, virginitas dedit, cælum risit, vel, si mavis lacrimas, has quoque affudit cum suis ridenda Venus. Sed nunc argumentum fabulæ habe. Fuit APOL-

B 5

LINA.

LINARIS altera Anthemii viri Consu-  
 laris F. alteram dæmon malus infide-  
 bat. Illa Christum sponsum cogitabat,  
 at hominem parentes. Quid ni etiam  
 sanctus amor hominum oculos luderet  
 ingeniosus? Abit Ierosolymam cum  
 nobilissimorū parentum veniā APOL-  
 LINARIS; comites servulos, ancillas,  
 opes trahit. Redux ex itinere has om-  
 nes in egenos spargit, illos manu mit-  
 tit, uno alterove duntaxat retento.  
 Hos quoque pie fallit, & silvas habitat.  
 Iam ubi ætus culicumque morsus cor-  
 pus animaque durarunt, & formam  
 illam augustam exinixerunt, prodit è  
 latebris monachum induta, Eunuchum  
 se dicit, Dorotheum apud Macarium  
 nominat. Interea adest soror, & è so-  
 rore pellendus dæmon. Pellitur à Do-  
 rotheo. Sed redit & præstigiis gravidam  
 filiam Anthemii oculis exhibet, simul  
 parentem Dorotheum mentitur. Illicet  
 hic ad patrem raptatur, inde ad cru-  
 cem raptandus. At Dorotheus parenti-  
 bus, & sorore in locum solum abdu-  
 ctis, hanc iterum sanat, illis, positā tan-  
 tisper personā, filiam se probat. Mox  
 ad scenam suam revertens eremum,  
 pergit monachos, orbem, orbem lu-  
 dere; dum denique cum omniū plausu  
 castissimam larvam mors detraxit. Ex  
*Surv. & Men.*

S. EDVAR-